

Ўзмджтә белдвр

Эн сарин негнас авн Каспийск района загъсч колхозникуд боли загъсна промышленностин кӧдлмшчнр, намрин загъс бәрлгъән эклв. Джилин хойрдгч ӧрәлд Каспийск района загъсчнр 50 мингън центнер загъс анъндж, хаврин болзгт бәрснас гурвн холван ұлӯ загъс ӧгх зурата.

Намрин загъс анънлгъна болзгт дӧрвн сейнер, хойр мотобот, 44 шӯӯгӯл, 87 реюшк боли 67 бударкс орлцджана. Района колхозмуд 716 загъсчнр белдв.

Белдврн кӧдлмшиг, флот боли зер-зев яслгънд Прикаспийск МРС-н коллективк кӧдлмш кев. Цуг кергтә тоот гӧлм, шӯӯгӯлиг, судовой двигателмӯд боли нань чигн кергтә тоотинь цугъарагъинь цаглань белдв.

Сән гидг белдвр „Каспиец“ гидг колхоз кев. Бригад болгъна әмтинь дигләд, социали-

стическ дӧрлдә делгрӯләд, кедӯ загъс бәрх зура ӧгв.

Белдврн кӧдлмшт сән гидгәр ұр Ермухановин боли ұр Очи ровин бригадс шунцхав. Задач Ермуханов эврәннь бригадин 18 реюшкиг цугъарагинь зер-зевәр тетгв. Тенггст бударкар загъс бәрдг бригадин бригадир Сандж Очиров болхла эврәннь гарси газрури ирн, шин бригад бӯрдәгъәд, 23 уӯрмӯлтәгъән тӯрӯн болдж гарч йовб. Сандж Очировин бригадт кесг олт келн әмтн—хасг Альмуханов Михаил, орс Жариков Игнатий, хальмгуд Васькиев Федор, Лиджиев Колта боли нань чигн загъсчнр ах-дӯ болдж, белдврн кӧдлмш кедж, тенггст гарч, 52 центнер загъс звено болгън бәрх ұган ӧгцхәв. Тӯрӯн бәрси загъснь пунктсар ордж ирдж бәәцхәнә. Загъсчнр ұгдән кӯрхнь лавта.

Б. ТИМОФЕЕВ.